



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

XIII. De his qua omittuntur in Missa pro Defunctis.

urn:nbn:de:hbz:466:1-9459

bitratur esse causa, quàm quòd sine villo timore ac deuotione tam Sanctum opus aggrediantur, & perfuntoriè atque ex quadam consuetudine aut necessitate, magis quam ex sincera & vera deuotione perficiant: & mox vnà cum Sacris vestibus omnem rei peractæ cogitationem deponant, omnemque internam, & externam pietatis formam exuant, totoque corde & animo ad fabulas, ad vana & otiosa effundantur. Quod sanè non facerent, si meditationi Sanctæ debito modo aliquamdiu intenti fuissent: & illustriorem in se quotidie custodiæ exterioris & interioris hominis debere esse disciplinam, quàm in laicis, quando in festo Paschæ corpus Domini accipiunt, sentirent.

TITVLVS XIII.

De his quæ omittuntur in Missa pro Defunctis.

1. IN Missa pro defunctis ante Confessionem non dicitur Psalmus, *Iudica me Deus*: sed pronuntiata Antiphona, *Introibo ad Altare Dei*, & responso à ministro, *Ad Deum qui laificat*, & c. dicitur Vers. *Adiutorium nostrum*, & Confessio, cum reliquis vt supra.

2. Cùm celebrans ad Altare incipit *Introitum*, non signat se, sed manu dextra extensa, facit signum crucis super librum, quasi aliquem benedicens.

3. Non dicitur *Gloria Patri*, sed post Psalmum repetitur, *Requiem æternam*, nec dicitur *Gloria in excelsis*, nec *Alleluia*, nec *Iube Domine benedicere*, nec *Dominus sit in corde meo*; nec osculatur librum in fine.

4. Non dicitur *Credo*, non benedicitur aqua in Calicem fundenda, dicitur tamen oratio, *Deus qui humana substantia*, & c.

5. Cùm lauat manus, in fine Psalmi. *Lauabo inter innocentes*, non dicitur, *Gloria Patri*.

6. Ad Agnus Dei non dicitur, *Miserere nobis* cuius loco dicitur, *dona eis requiem*, nec tertio *dona nobis pacem*, cuius loco dicitur, *dona eis requiem sempiternam*, neque percutitur pectus.

7. Non dicitur prima Oratio ante Communionem, scilicet, *Domine Iesu Christe, qui dixisti Apostolus tuis &c.* nec datur pax.

8. In fine non dicitur *Ite missa est*; nec *Benedicamus Domino*, sed, *Requiescant in pace.*

9. Non datur benedictio, sed dicto *placeat*, & osculato Altari, dicitur *ut supra*, *In principio erat verbum &c.* alia omnia ut in alijs Missis.

ANNOTATIONES.

§. 1. Psalmi cum precibus dici solitis pro preparatione sacerdotis ante Missam Defunctorum omitti quidem possunt, sicut prohibentur dici ab Episcopo ante Missam Defunctorum, non autem omitti debent oscula Crucis in Amictu, Manipulo, & stola induendis, qua de re dubitauere quidam, eo quod prohibentur oscula rerum in Missa solemniori.

§. 2. Quando Celebrans incipit Introitum facit signum crucis quasi versus Defunctum, seu De unctos, pro quibus celebrat: sinistra vero super librum ponitur.

§. 3. Minister non osculatur ampullas quas Celebranti porrigit.

§. 4. *Requiem eternam dona eis &c.* in Missa dicitur in numero plurali quamuis pro vno celebretur.

§. 5. Si detur Communio intra Missam Defunctorum, quod tamen fieri non debet, nulla tamen datur benedictio.

§. 6. Dicitur in fine Missae semper *Requiescant in pace* scilicet pro vno fiat officium Missae.

§. 7. Canticum & Psalmus post Missam pro gratiarum actione dicuntur cum *Gloria Patri* ut alias.

§. 8. In die depositionis & anniuersario Summi Pontificis, & Episcopi dicitur prima Missa: quia, quae raro adhibentur, pretiosa reputantur, neque quotidiana vilescunt consuetudine, & ideo Missa semel in anno constituta in commemoratione omnium Defunctorum dici iubetur in exequijs Summi Pontificis, & Episcoporum.

Carem. Epif. hb 2. cap. 11. Gauantus Part. 2. Tit. 12. n. 5.

Gauantus Part. 2. Tit. 13. n. 1. lit. p.

Gauantus ibid. lit. x.

Gauantus Part. 2. Tit. 10. n. 6. lit. B. & tit. 12. n. 2. lit. u.

Gauantus Part. 2. Tit. 18. n. 6.

§. 9. Pro

§. 9. Pro defuncto Cardinali eadem prima Missa *Gauantus* dicenda est, mutatis orationibus. Rubrica quidem non *Ibidem n. 70.* præscribit, sed vsus ita declarat Rubricam, quia sunt Episcopis maiores. Pro Diacono tamen Cardinali dicitur oratio *Inclina*, vt in Missali.

§. 10. In die depositionis, tertio, septimo, trigesimo & Annuario dicitur secunda missa cum oratione *Ibidem n. 110.* propria pro defuncto Sacerdote. Neque refert in ea non fieri mentionem de die tertio, septimo, trigesimo, & Annuario, nam eadem oratio pro Papa dicitur in obitu & annuario eiusdem nulla facta annuarij mentione.

§. 11. Pro laicis certæ sunt regulæ in Missali: In eorum obitu, die tertio, septimo, & trigesimo dicitur secunda Missa, in Annuario verò tertia.

Extra prædictos dies, Missæ dicuntur, vt in quotidianis Defunctorum. Dies tertius, septimus, trigimus & annuarius numerari debent à die obitus, seu depositionis, vt patet ex Collectis, in quibus fit mentio depositionis. sed S. Ambrosius *Serm. 70.* accepit depositionis vocabulum tam pro sepultura, quàm pro obitu, licet Ecclesia videatur distinguere inter obitum & depositionem: si contendis distingui numerabis hos dies à die sepulturæ, qua potiori iure subiacet defunctus Ecclesiasticæ curæ: vel sequere locorum consuetudinem, nisi Testatoris verba aliud sonent.

§. 12. In die Commemorationis omnium Fidelium Defunctorum, Sacrificia quæcunque debent applicari omnibus Defunctis ex intentione Ecclesiæ, & consequenter cessant eo die omnes aliæ obligationes diei annexæ pro particularibus Defunctis.

Missale de secunda Missa defuncti.

Direct. Rem. in annotat. 2. diei Nouemb.

TITVLVS XIV.

De Missa priuata coram Pralato in loco sua iurisdictionis.

1. SI Sacerdos coram Cardinale vbique genitum, aut alio Pralato in loco suæ iurisdictionis, id est, Patriarcha, Archiepiscopo, Episcopo, in prouincia, Ciuitate, vel diocesi sua existente, item iuxta aliquos coram Abbate benedicti.